

Zoo siab txais tos rau lub 2020-21 Xyoo Kawm!

Tagnrho tsoom kwsqhia hauv Horace Mann Middle School yog tau zoo siab kub lug los txais tos tagnrho tsoom tubkawm tshiab rau hauv HMMS thiab zoo siab rov qab txais tos peb cov tubkawm uas tau siv tsaib no nrog rau peb. Peb tsoom kwsqhia thiab peb cov tsevneeg tau mus dhau ntau yam hauv cov hlis dhau los no, thiab peb tautaub tias xyoo no yuav zoo txawv nrog ntau yam kev nyuaj rau tomntej. Txawm li ntawd los, peb tsoom kwsqhia saib ntxoov yav tom ntej los muab rau peb tsoom tubkawm txog qhov kev kawm uas tej kev xav kom ua tau siab, qhov uas ua tau yam tiav log txav ntawm qhov siv computer kawm hauv tsev tuaj (virtual learning) mus rau qhov tus kheej mus kawm kiag rau hauv tsevkawm (in-person learning), thiab qhov uas ua rau muaj tej kev ceevfaj ua ntej kom tsis raug mob rau peb tsoom kws ua dejnum thiab tsoom tubkawm. Nws yuav zoo txawv tshaj cov xyoo dhau los, tabsis peb muaj kev npaj rau xyoo no ntau dua yav dhau los. Tsab ntawv no yuav piav tus ntug qhov kev kawm pom tau zoo li cas thiab tej kev xav kom ua tau zoo npaum li cas rau peb tsoom tubkawm, peb tej kev los qhia txog losyog rov qab muab los qhia txog koj tus menyuum rau Horace Mann, thiab muab yam qee yam tseeb hauv nruab siab mus rau tej kev ua uas peb tau tsim los rau lub xyoo kawm. Tsab ntawv no kuj yog muaj nyob rau hauv peb lub website (horacemann.wausauschools.org) nrog tej kev txuas ncaj qha thiab yog tau muab email rau cov tsevneeg uas muaj tus email nyob hauv ntaubntawv khaws cia.

Ua ntej tshaj, peb tsoom tubkawm yuavtsum muaj tej kev xav ua kom tau siab dua rau lawv txoj kev kawm qhov kev ua tau tiav log uas piv tau rau qhov tsevkawm tau kaw hauv lub caij nploojhlav tas los. Tsoom kwsqhia twb tau pib ua lawv cov chavkawm online nrog lub tswvyim npaj tseg rau lub xyoo (kev tsom ua thiab kev ua yam twg ua ntej) uas zoo ib yam li cov ua ntej qhov kev mobnkeeg. Tsoom tubkawm yog yuavtsum tau kawm kom tagnrho thiab tau sim ntsuas txoj kev kawm tej homphiaj kom ntau ib yam. Cov tubkawm yuav raug muab qabnias rau uas yog siv qhov A, B, C, D, E, thiab F tus qauv uas muaj qhov yuav tsum ua kom tau raws li xav uas lawv caum cuag lawv cov haujlwm hauv tsevkawm ntawm ib hnuv zuj zus. Tsoom tub kawm yog tau xav kom mus koom cov chavkawm thaum 7:35 sawvntxov mus txog 2:55 tavsua dua, xam tagnrho tej kev tshaj lus tawm thaum 7:35 sawvntxov. Txoj kev tuaj koom ib hnuv twg yog yuav tau sau khaws cia hauv ib chavkawm twg. Cov caij so yuav yog muab rau thaum nruabnrab cov chavkawm, caij noj sus, thiab tuab ntwis thoob plaws hnuv ntawd. Thov paub hais tias nws yuav muaj tej kev zam tau rau cov tsevneeg uas ua tsis tau raws qhov qauv sijhawm no, thiab peb yuav ua haujlwm nrog cov tsevneeg no kom paub meej tias txoj kev kawm muaj ntxiv mus. Qhov los pib lub xyoo kawm, peb yuav pib siv computer kawm tom tsev tuaj (virtually), uas txhais hais tias cov tubkawm yuavtsum tau mus nkag rau hauv lawv qhov itslearning site thiab muaj caij rawv rau Google meets (kev kawm tom tsev tuaj uas ntsej muag tim ntsej muag tej kev sib ntsib) thaum lawv cov caij kawm uas tau teev cia. Nws yog peb qhov txhob txwm ua los ua kom cov tubkawm tau raus tes rau hauv txoj kev kawm thoob plaws lub hnuv kawm. Qhov no tsis txhais hais tias lawv cov qhovmuag yuav tsum tau muab cam rau computer cov ntsej muag iav (screens) tag hnuv, uas qhov kev kawm yuav xam tagnrho tej kev sib xyaws daws ntawm qhov caij ntsib kiag ntawm computer lub ntsejmuag iav, kaw tej yam kawm tseg, thiab tej kev kawm/tej kev ua ub ua no uas tsis siv computer lub ntsejmuag iav.

Yam ob, peb xav teeb tsa peb cov tubkawm thiab cov tsevneeg mus rau txoj kev ua tau li xav uas yog caw lawv tuaj rau lub (Npaj Txhij los Pib Kawm) (Ready to Start School) kev sib tham. Peb xav tias qhov zoo tshaj mas ib tug tubkawm twg thiab ib tug hauv tsevneeg tuaj koom tsevkawm li 30-45 feeb nruabnrab lub Cuajhlis 1-4. Thov kos npe teem caij cia rau ntawm https://ptcfast.com/schools/Horace_Mann_Middle_School. Lub sijhawm nyob hauv tsevkawm yuav yog siv los xa lub hnuv ntawv uas muaj cov ntaubntawv tau teb tiav tag rov qab (thov kho ib qho kev hloov twg rau ntawm daim ntawv txheeb pejxeem) uas tau muab rau hauv tsab ntawv no, tau txais tuskawm cov chavkawm uas tau teev cia, thiab muab cov tubkawm cov chromebook thiab cov chargers rau lawv. Thov paub hais tias peb tau tshem tawm tsevkawm cov nqi tes ua ntaubntawv thaum lub caij no tsuas yog qee yam (xws li, tej nyiaj them Chromebook Insurance yog ntim tau rau hauv lub hnuv ntawv). Cov tubkawm thiab ib tug ntawm tsevneeg kuj muaj peevxwm mus nqa tau tej twj kawm (xws li. Phau

ntawv Lej) thiab ntsib yam tsawg kawg mas li ib tug ntawm lawv cov kwsqhia. Peb tau nrug tej sijhawm nkag los, ua kom muaj qhov nrug rau tej neeg kom thoob plaws qhov kev tuaj zaum no, thiab tagnrho cov neeg nkag los hauv lub tsev yuav tsum tau coj lub khwb qhovncauj los khwb lawv tej qhovntswg thiab qhovncauj. Peb kuj yuav txhuam tshuaj rau tej chaw yam tuab ntwis kom thawm hnub. Ib qho kev piav kom meej ntau dua yog tau muaj ua nyob tom qhov kawg ntawm tsab ntawv no.

Yam peb, peb tau npaj rau xyoo no uas yog ua lub tswvyim kom muag los yoog. Peb cov kwsqhia yog twb npaj tau lawv cov chavkawm online hauv qhov itslearning es kom cov ntaubntawv kawm thiaj li muaj rawv rau txhua hnub. Cov chavkawm online yuav kho hloov mus ntxiv kom thawm xyoo kom muaj cia rau tsoom tubkawm tau kawm tom tsev tuaj thiab rau tej kev uas tus kheej tuaj kawm kiag (in-person). Peb tsoom kwsqhia yog tau npaj lawv cov chavkawm rau kev tus kheej tuaj kawm kiag thiab yuav pib qhia hauv lawv cov chavkawm thaum Tuesday, Cuajhlis 8. Qhov npaj tseg, raws li tau teev cia hauv cov neeg saib kev kawm lub rooj sablaj (School Board Meeting) nyuam qhuav tas los (Yimhli 10, nias qhov Peb Yuav Ua Li Cas Qhib Wausau Cov Tsevkawm Kom Tsis Muaj Mob/How Will We Open Wausau Schools Safely) yog los pib ntu npaj rov qab qhib uas yog sijhawm sai raws li tej kev saib pom ntawm cov neeg saib kev kawm theem. Thaum tej ncaujke tus kheej tuaj kawm kiag ntawd ntau zuj zus tuaj, tsoom kwsqhia yuav qhia ntxiv mus nyob rau hauv lub chavkawm rau cov tus kheej tuaj kawm kiag thiab cov tubkawm uas nyob tom tsev. Tsoom tubkawm yuav tau paub tias yuav muaj qee yam hloov txawv thaum tus kheej tuaj kawm kiag. Tej pivtxwv tej zaum xam tagnrho, tabsis tsis yog tag rau: tej khwb qhovncauj yuavtsum tau looj, tej rooj sau ntawv tau nrug thiab tig mus ib seem, yuav tau nrug ntawm tus kwsqhia, muaj tsawg losyog tsis muaj mus los hauv lub tsevkawm, thiab tsoom tubkawm tau muab cais ua tej pab. Tej lus meej txog tej pivtxwv no yuav tau txiav txim siab raws li muaj pes tsawg leej tubkawm hauv lub tsevkawm thiab nyob rau ntawm qhov saib pom ntawm theem neeg saib txoj kev kawm.

Nws muaj ob peb lo lus meej los paub:

- Nws yog tau txiav txim siab tias tagnrho WVC Middle School caij nplooj zeeg tej kev pov pob, ncaws pob, thiab lwm yam (sports) tau muab tshem tawm thiab qhov kev txiav txim pom zoo li cas ntawm lub caij ntuj no thiab caij nplooj hlav tej kev pov pob, ncaws pob, thiab lwm yam yuav tau txiav txim pom zoo rau lwm hnub tomntej. Peb yog tabtom siab qhov yuav ua kom muaj tej kev xyaum tomqab kawm tag rau hauv tsevkawm thaum peb tus kheej rov tuaj kawm kiag.
- Peb yuav tsi thau tubkawm tej duab lub caij no thiab tau rov muab teem thau tej duab rau lub lbhlis.
- Kev kawm cov twj li npe (school supply list)- peb tau txiavtxim siab tsis muab rau sawvdaws paub ziag no thiab yuav sim muab cov twj feem ntau thaum peb rov tuaj kawm yus tus kheej kiag. Thov muab rau koj tus menyuam tej yam hauvpaus twj uas keev siv uas yuavtsum tau muaj rau kev kawm hauv tsev tuaj, xws li tej mem qhuav, tej mem kua, tej phau ntawv sau, thiab tej nplooj ntawv. Yog koj xav tau cov twj, peb yuav muaj ib co rau thaum lub "Ready to Start School" rooj sibtham losyog koj hu tau peb hauv tsevkawm los thov cov twj.
- Nws muaj lwm yam kev npaj ntau uas yog tau npaj muaj rau lub xyoo kawm no (Yimhli 10, nias qhov Project Relaunch Wausau School District).
- Thov saib email thiab peb lub website ntxiv mus txog tej kev hloov tshiab rau lub xyoo kawm no. Qhov kev txuas lus no tej zaum yuav xam tej lus kom meej txog qhov HUB model tias qee tus tubkawm tau rov tuaj, tus kheej rov qab tuaj rau hauv kiag uas yus xaiv tuaj yus, kev caij tsheb daj tuaj kawm, tej kev pab ntawm kev noj haus, internet, thiab lwm yam. Kev sib txuas lus yuav muaj zuj zus mus.

Yam li Horace Mann tus tuamthawj saib tsevkawm, kuv qhuas txog qhov peb yuav muab rau peb cov tubkawm, tshwjxeeb yog tej qauv kev kawm uas siab thiab txoj kev ua neej uas peb tej kev sib txuas rau sawvdaws ua rau peb ua tiav li siab xav ua ke. Xyoo no yuav muaj nws tej kev nyuaj, tabsis thov paub hais tias peb txoj kev tsom ua tseem nyob rau ntawm peb cov tubkawm thiab cov tsevneeg. Koom ua ke, peb yuav tswj tej kev nyuaj no mus, ua kev qhuas txog tej peb tau ua tiav li siab xav, thiab ua kom txhua hnub yog ib hnub tseemceeb.

Hwm yam tseeb tiag,

Dr. Rob Phelps

Tuamthawj Saib Tsev Kawm, Horace Mann Middle School